

## Lembaran Kerja

### Bahasa Melayu Darjah 5

#### Tema 3: Keselamatan

#### Bahagian A

Pilih jawapan yang betul.



1. Para tetamu \_\_\_\_\_ dengan mesra sambil menikmati hidangan yang enak semasa majlis rumah terbuka itu.  
A) berbisik – bisik  
B) berbual – bual  
C) berebut – rebut  
D) bersorak – sorak
  
2. Murid – murid itu sedang \_\_\_\_\_ bendera gergasi pada pagar rumah.  
A) menampal  
B) memasang  
C) menyangkutkan  
D) menggantungkan

3. Izuni dan Iffah menyapu sampah di pekarangan balai raya \_\_\_\_\_ Islah dan Damrong mencuci longkang.
- A) manakala
  - B) dengan
  - C) sambil
  - D) tatkala
4. Daniel dapat membaca petikan yang diberikan dengan \_\_\_\_\_ dan pantas.
- A) fasih
  - B) cekap
  - C) lancar
  - D) deras
5. Pertandingan Muzik Tradisional Malaysia itu akan diadakan di \_\_\_\_\_.
- A) Istana Negara
  - B) Istana Budaya
  - C) Parlimen
  - D) Istana Kenangan

6. Idzwan menggunakan se\_\_\_\_\_ plastik keras untuk membuat lampu tanpa elektrik.
- A) keping
  - B) helai
  - C) lembar
  - D) bidang
7. Nazrin dan rakan – rakannya \_\_\_\_\_ untuk mendengar penerangan tentang teknologi hijau.
- A) halwa telinga
  - B) memasang telinga
  - C) memasang perangkat
  - D) memeras otak
8. Encik Lee menghadapi masalah dalam perniagaan tetapi dia bersikap tenang seperti \_\_\_\_\_.
- A) air di dalam kolam
  - B) anai – anai makan kayu
  - C) hujan jatuh ke pasir
  - D) tikus jatuh ke beras

9. Beberapa khemah dipasang oleh para pekerja untuk majlis perasmian Pameran Muzik Tradisional Malaysia.

Pilih **perkataan sinonim** bagi dipasang.

- A) ditubuhkan
- B) didirikan
- C) disediakan
- D) disiapkan

10. Pilih ayat tanya yang sesuai bagi jawapan yang diberi.

Alat muzik gong dapat menghasilkan bunyi menerusi kaedah ketukan.

- A) Apakah alat muzik yang menghasilkan bunyi melalui ketukan?
- B) Bagaimanakah alat muzik gong dapat menghasilkan bunyi?
- C) Mengapakan kaedah ketukan digunakan dalam alat muzik gong?
- D) Bilakan alat muzik gong ini akan dimainkan?

## Bahagian B

Jawab semua soalan berikut.

Selamat pagi kawan – kawan.

Pada hujung minggu nanti, Persatuan Sukan dan Rekreasi sekolah kita akan mengadakan perkelahan di Pantai Irama, Bachok. Kita diminta untuk berkumpul di pekarangan sekolah pada jam 7:30 pagi bersama kelengkapan perkelahan berserta bekalan makanan.

Guru penasihat kita, Cikgu Firdaus telah berpesan supaya kita berhati – hati sepanjang perkelahan itu. Keselamatan diri harus kita utamakan. Sehubungan dengan itu, beliau juga meminta kita menggunakan pelampung ketika bermain air. Hal ini adalah untuk mengelakkan kemalangan berlaku seperti lemas. Jadi, **sediakan payung sebelum hujan**.

Seterusnya, bagi murid yang ingin berjalan – jalan di tepi pantai, mereka haruslah memakar selipar. Perkara ini amat penting untuk melindungi kaki kita supaya tidak tercedera apabila terpijak kulit siput mahupun serpihan kaca.

Selain itu, sekiranya ada dalam kalangan kita yang ingin membeli makanan yang dijual di gerai di tepi pantai, pilihlah gerai yang bersih dan belilah makanan yang berkhasiat dan memberi tenaga untuk tubuh kita.

Kawan – kawan, marilah kita mengikut pesanan Cikgu Firdaus ini. Pesanan ini sangat berguna kepada kita agar kita tidak lalai dan mengambil mudah tentang aspek – aspek keselamatan diri.

1. Apakah program yang akan dianjurkan oleh Persatuan Sukan dan Rekreasi sekolah?

(2 markah)

---

---

2. Tulis dua pesanan yang dipesan oleh Cikgu Fidaus berdasarkan petikan. (4 markah)

(i) \_\_\_\_\_

(ii) \_\_\_\_\_

3. Apakah maksud rangkai kata **sediakan payung sebelum hujan**? (4 markah)

\_\_\_\_\_  
\_\_\_\_\_

### **Bahagian C**

Anda diminta untuk menghasilkan buku skrap berkaitan tanda – tanda keselamatan di jalan raya. Anda boleh melayari Internet untuk mendapat maklumat. Anda boleh lukis atau cetak kemudian, tampal tanda - tanda keselamatan di buku skrap anda mengikut kreativiti masing-masing. Kemudian, anda dikehendaki membentangkan buku skrap itu di dalam kelas. (10 markah)

## **Skema Jawapan**

### **Lembaran Kerja**

#### **Bahasa Melayu Darjah 5**

#### **Tema 3: Keselamatan**

##### **Bahagian A**

1. B
2. D
3. A
4. C
5. B
6. A
7. B
8. A
9. B
10. B

##### **Bahagian B**

1. Program perkelahan akan dianjurkan oleh Persatuan Sukan dan Rekreasi sekolah.
2. - Berhati – hati sepanjang perkelahan.
  - Menggunakan pelampung ketika bermain air.
  - Memakai selipar ketika berjalan di tepi pantai.
  - Membeli makanan di gerai yang bersih.
3. Sediakan payung sebelum hujan bermaksud berjaga – jaga sebelum ditimpa bencana.